

কলীয়া লৌকিক উৎকৃষ্টা



‘তালিওনকা
‘বোণ
‘তার ইতানকা
‘ভাই





বড়ো আর বড়ী। তাদের একটি মেয়ে আলিওন্দশকা, একটি ছেলে ইভান্দশকা।

বড়োবড়ী মারা গেল। সংসারে আলিওন্দশকা ইভান্দশকার আর কেউ রইল না।

আলিওন্দশকা ছোট ভাইয়ের হাত ধরে কাজে বেরিয়ে পড়ল। চলেছে তারা দূরের পথ ধরে, মস্ত মাঠ পেরিয়ে; ভারী তেষ্ঠা পেল ইভান্দশকার।

‘বড় তেষ্ঠা পেয়েছে রে দিদি!’

‘দাঁড়া ভাইটি, কুয়ো আসুক!’

যায়, যায়, সূর্য মাথার ‘পরে, কুয়ো অনেক দূরে, কেবলি তাপ বাড়ে, কেবলি ঘাম ঝরে। দেখে, একটা জলভরা গরুর খুর।

‘এই জলটা খাই দিদি?’

‘না ভাই, খাস্ নে, তাহলে বাছুর হয়ে যাবি!’

ইভান্দশকা দিদির কথা মেনে নিয়ে চলল এগিয়ে।

সূর্য মাথার ‘পরে, কুয়ো অনেক দূরে, কেবলি তাপ বাড়ে, কেবলি ঘাম ঝরে। দেখে, একটা জলভরা ঘোড়ার খুর।

‘এই জলটা খাই দিদি?’



‘না ভাই, খাস্ নে, ঘোড়ার বাচ্চা হয়ে যাবি!’
নিঃশ্বাস ফেলল ইভানুশকা। আবার চলল এগিয়ে।
হাটিছে তো হাটিছেই, সূর্য্য মাথার ‘পরে, কুয়ো অনেক দূরে, কেবলি তাপ বাড়ে, কেবলি
ঘাম ঝরে। দেখে, একটা জলভরা ছাগলের খুর।

ইভানুশকা বলে :

‘আর পারি না দিদি, এই জলটা খাই।’

‘না ভাই, খাস্ নে, ছাগলছানা হয়ে যাবি!’

ইভানুশকা এবার আর দিদির কথা না শুনে ছাগলের খুরের জলটা খেয়ে ফেলল।

খেতেই ছাগলছানা হয়ে গেল ইভানুশকা।

আলিওনুশকা ভাইকে ডাকে, ভাইয়ের বদলে ছুটে এল এক খবল পানা ছাগলছানা।







আলিওনুশকা কাঁদতে লাগল। খড়ের গাদায় বসে বসে কাঁদে আর ছাগলছানাটা তার চারপাশে লাফিয়ে বেড়ায়।

ঠিক সেই সময় এক সওদাগর যাচ্ছিল ঐ রাস্তা দিয়ে।

বলল, 'কাঁদছ কেন, সুন্দরী কন্যা?'

আলিওনুশকা তার দুঃখের কথা খুলে বলল।

সওদাগর বলল:

'তুমি আমার বিয়ে করো। সোনার রূপোর সাজিয়ে রাখব, আর ছাগলছানাটি আমাদের কাছে থাকবে।'

ভেবেচিন্তে সওদাগরকে বিয়ে করতে রাজি হয়ে গেল আলিওনুশকা।

সুখেস্বচ্ছন্দে দিন কাটতে লাগল। ছাগলছানাটাও ওদের কাছেই থাকে। আলিওনুশকার সঙ্গে একই থালা একই বাটি থেকে সব খায়।

একদিন সওদাগর বাড়ী নেই। হঠাৎ কোথা থেকে এক ডাইনী এসে হাজির। আলিওনুশকার জ্ঞানলার নীচে দাঁড়িয়ে আদর করে ডাকে, বলে: চল নদীতে চান করব।

আলিওনুশকাকে নদীতে নিয়ে এল ডাইনী,



তারপর ঝাঁপিয়ে পড়ে, গলায় একটা বড়ো পাথর
বেঁধে তাকে ছুঁড়ে ফেলে দিল নদীতে।

তারপর নিজেকে আলিওন্দশকা সাজল, আর
জামাকাপড় পরে বাড়ী ফিরে গেল। কেউ ওকে
ডাইনী বলে চিনতেও পারল না। সওদাগর বাড়ী
ফিরল, কিন্তু সেও কিছু ধরতে পারল না।

কেবল ছাগলছানাটা জানত কী হয়েছে। বেচারী
মাথা নীচু করে ঘুরে বেড়ায়, খায় না, দায় না।
সকাল সন্ধ্যায় নদীর পারে ঘুরে ঘুরে বেড়ায় আর
ডাকে:

‘আলিওন্দশকা দিদিরে!
সাঁতরে আয় নদীরে...’

টের পেয়ে ডাইনী রোজ তার স্বামীকে বলে:
মার বাপ, মেরে ফেল ছাগলটাকে।...

ছানাটার ওপর মায়া পড়ে গিয়েছিল সওদাগরের।
কিন্তু ডাইনীটা খালি ঘ্যান্‌ঘ্যান্‌ করে, খালি
পেড়াপীড়ি করে, উপায় কী, তাই শেষ পর্বন্ত সে
সায় দিল।







বলল, 'বেশ, মার ওটাকে...'

মস্ত আগুন জ্বালাল ডাইনী, বড়ো বড়ো কড়াই
চাপল, বড়ো বড়ো ছুরিতে শান পড়ল।

ছাগলছানাটা দেখল তার মরণ ঘনিয়েছে। সং
বাপকে বলল:

'মরার আগে আমায় একটু ছেড়ে দাও নদীতে
যাব, জল খাব, গা ধোব।'

'বেশ, যাও।'

ছাগলছানাটা দৌড়ে নদীর ধারে গিয়ে করুণস্বরে
কাদতে লাগল:

'আলিওনদুশকা দাঁদরে!

সাঁতরে আয় নদীরে।

আগুন জ্বলে উনানে,

কড়াই চাপে ভিয়ানে,

ঝন ঝন ঝন ছুরি,

বুঝি এবার মরি!'







আলিওন্দুশকা জলের ভিতর থেকে উত্তর দিল:

‘ইভান্দুশকা ভাইটি মোর!
তলায় টানে ভারী পাথর,
ঘাসেতে পা চেপে ধরে,
হলদ বালি বৃকের ‘পরে।’

ছাগলছানাটা কোথায় খুঁজে না পেয়ে ডাইনীটা চাকরকে ডেকে বলল:

‘যা শীগ্গির, ছাগলছানাটা আমার খুঁজে এনে দে।’

নদীর কাছে গিয়ে চাকর দেখে, ছাগলছানাটা নদীর পার ধরে দৌড়ছে আর করুণস্বরে
কাদছে:

‘আলিওন্দুশকা দিদিরে!
সাঁতরে আর নদীরে।
আগুন জ্বলে উনানে,
কড়াই চাপে ভিয়ানে,
ঝন ঝন ঝন ছুরি,
বৃষ্টি এবার মরি!’

আর নদীর ভিতর থেকেও স্বর ভেসে আসছে:

‘ইভান্দুশকা ভাইটি মোর!
তলায় টানে ভারী পাথর,
ঘাসেতে পা চেপে ধরে,
হলদ বালি বৃকের ‘পরে।’



চাকরটি তাড়াতাড়ি বাড়ী গিয়ে কী দেখেছে, কী শুনেছে — সব কথা মনিবকে খুলে বলল।
সওদাগর লোকজন জড়ো করে নদীর পারে চলে গেল। তারপর রেশমের জাল ফেলে টেনে তুলল
আলিওনুশকাকে। গলার পাথরটা খুলে, ঝরণার জলে চান করিয়ে সুন্দর করে কাপড় পরিয়ে
দিল আলিওনুশকাকে। জীবন ফিরে পেল আলিওনুশকার, রূপ তার আরো যেন ফুটে
বেরুল।

ছাগলছানাটা আনন্দে তিনবার ডিগবাজী খেতেই আবার হয়ে গেল সেই ছোট্ট খোকন
ইভানুশকা।

ডাইনীটাকে তখন একটা বুনো ঘোড়ার লেজের সঙ্গে বেঁধে খোলা মাঠে ছেড়ে দেওয়া
হল।





ছবি এঁকেছেন তাতিয়ানা শেভারেভা
অনুবাদ: স্দাপ্রিয়া ঘোষ

Sister Alyonushka and Brother Ivanushka
In Bengali

Сестрица Алёнушка и братец Иванушка
На языке бенгали



‘রাঙ্গুগা’ প্রকাশন
মস্কো

© Иллюстрации Издательство «Малыш», 1985 г.

© বাংলা অনুবাদ - ‘রাঙ্গুগা’ প্রকাশন - মস্কো - ১৯৮৯

শিশুদের জন্য
নোভিয়েত ইউনিয়নে স্দাপ্রিত

ISBN 5-05-002064-6